

Segun Jossy Lacle Director di WEB

No tin nada di sconde den cobramento di Brandstofclausule

ORANJESTAD (AAN): Den e dianan aki, tin hopi cuestionamento relaciona cu e asunto di e "brandstofclausule" y te hasta tin partidonan politico cu ta pidi Prome Minister como WEB Aruba N.V. un Financial Statement di e compania pa controla e cifranan, cu segun nan no ta cuadrando cu berdad.

Pa trata e topico aki, DIARIO a sostene un entrevista cu Director di WEB Aruba NV Sr. Jossy Lacle kende a expresa cu for di dia cu nan a bira NV, nan semper a cumpli cu prepara nan cifranan financiero anualmente, controla pa Accountingnan externo.

A indica cu nan ta manda e jaarrekening pa instancianan cu nan mester mande pe, cu ta entre otro, e minister concerni, Algemene Rekenkamer, Centrale Accountantsdienst cu tin e posibilidad di controla nan cifranan.

"Esey nos ta haci. Nos ta traha un jaarrekening pa nos accionista. Basicamente ta esey bo ta haci. Anto nos accionista ta haya e jaarrekening y e mester wak kico e ta haci cune. Pero a nos ta cumpli cabalmente pa prepara nos jaarrekeningnan pa cu loke nos tin cu cumpli cune".

Na opinion di Jossy Lacle, den e asunto di brandstofclausule no tin nada di sconde manera otronan ta bisa. "Nos mester ta

conciente si cu Aruba ta hopi chikito. Nos no ta biba den un pais di Hulanda, nos no ta biba den un pais mericano. Ora bo tira cifranan den comunidad ta comunidad mester sa ta con pa anda cu e tipo di cifranan aki, pasobra hopi lihe bo por bisa si, pero di con esey no por ta mas barata".

Finalmente, Sr. Lacle a enfatiza cu e no ta WEB, sino e 270 empleadonan trahando eyan, cualnan a bisa, ta hendenan hopi cualifica cu ta haci tur esfuerzo pa maneha e empresa mihor cu ta posible. E ta considera cu a lo largo, un cierto momento mester tin un confianza cu e empleadonan ta haci un bon trabao.

"Si nos no ta haciendo un bon trabao, mi ta kere tin hopi instancia na Aruba manera Algemene Rekenkamer y un Centrale Accountantsdienst cu nos accionista por haci preguntanan y cu nos lo mester contesta", a subraya.

ORANJESTAD (AAN) Siman pasa tabata tin un confusion relaciona cu nomber di un persona cu a wordo menciona como un posibel candidato riba lista di partido OLA.

Ta trata di e persona Joally Croes kende ta bon conoci den Santa Cruz y henter Aruba pasobra ta kende no conoce Joally den seno di entre otro e mundo di carnaval na Aruba?

Riba e dia di entrega di lista di partidonan politico algun hende a bay trata na bruha tera y asina tambe a bin un confusion grandi encuanto e posicion cu Joally Croes lo a bay tuma riba lista di partido OLA.

Redaccion di DIARIO a tene un entrevista cu Joally riba e asunto aki y a bin sali afor cu Joally ta sostenedor di partido OLA y campañador di OLA y ta berdad cu el a wordo acerca como candidato pa bay riba e lista di OLA pa e eleccion aki.



Pa Joally tabata un honor grandi cu el a wordo acerca pa e puesto riba lista di OLA pero actualmente e no ta sinti su mes cla ainda pa bay riba lista pasobra e kier prepara su mes mas mihor pa e siguiente eleccion.

Durante simannan venidero

e campaña di OLA lo sigui den tur su furia y unda mescos cu otro simpatisadornan y campañadornan lo sigui sostene OLA, Joally tambe lo sigui cu su sosten y apoyo determinante pa OLA y su lider Glenbert Croes.

E HAMBER PA PODER ATROBE!!



Las Americas

(Near Burger King)
Playa (Caya Grandi)
Tel: 582-1576



Hopi Tas antes
Afl. 45/40/35/30,=
Awor tur Afl. 15,=